

元始天尊說生天得道經

爾時

元始天尊在大羅天上玉京山中爲諸天仙眾說此生天得道
真經告諸仙曰吾今爲汝略啟身心明宣道要十方得道神仙
皆從此經修行而通微奧善男子善女人依憑齋戒作是津梁
一切有爲顯諸真路體此法相乃可受持能屏眾緣永除染着
外想不入內想不出於正念中皆得五臟清涼六腑調泰三百
六十骨節之間有諸滯礙十惡之業百八十煩惱之業眾苦罪
源悉皆除蕩卽引太和真炁注潤身田五臟六腑心目內觀真
炁所有清靜光明虛白朗耀杳杳冥冥內外無事昏昏默默正
道藏輯要

得道經

卷

氏集五
四又上

達無爲古今常存總持淨念從茲解悟道力資扶法藥相助仍
節飲食驅遣鬼尸安寂六根淨照八識空其五蘊證妙三元得
道成真自然昇度爾時諸天仙眾白

天尊言自從無始以來至于今日未聞如是大乘經典我等緣
茲幸會廣及一切道果圓明而說偈曰

杳杳冥冥清靜道 昏昏默默太虛蹤

體性湛然無所住 色心都寂一真宗